



Canada



TUHAQTITAUHAINNAQTUKHAQ

Kanadaup Kavamanga, Nunavut Kavamanga unalu Nunavut Tunngavikkut Timinga Iniqtiqhimajuq Ihumaliurutimik ukunani 2023mi Pitqujauhimaajumi Nunavunmi Nunatigut Atuqniitigut Upalungaijautimik

IQALUIT, Nunavut — Tallimiut, Julai 3, 2026

Kanadaup Kavamanga, Nunavut Kavamanga unalu Nunavut Tunngavikkut Timinga (Ilauqatigiit) akhuurutilgit uumunga Nunavunmi Nunatigut Atuqniitigut Upalungaijautimik tunihimajuq naunaittumik, aularaanginnaqtumik angijumiklu hivulliurutikhamik ukununga nunatigut atuqniitigut tamaani aviktuqhimanirmi. Kinguagut ihivriuhittiarutini uvani 2023mi Pitqujauhimaajumi Nunavunmi Nunatigut Atuqniitigut Upalungaijautimik (Pitqujauhimaajuq Upalungaijauti), Ilaujut atuni tikitaat ihumaliuruti pilik huli aallanik havagutikhanik havaqatigiplugu una Nunavunmi Parnaijaijiit Havagvia unalu Pitqujauhimaajuq Upalungaijauti angiqtaulimaittuq uvuuna, tadja havakhimadjutaani.

Pinia Nunavutip Nunatigut Atuqniitigut Upalungaijautaa ihuaqtumik iharianaqtuq ikajuriami Inuit pilaarutainnik, aviktuqhimanirmi ihumaliurniinnik, avatimut munaridjutainnik, maligakkut ihuaqtuni, munaridjutihimajunik pivalliadjutinik uvanilu ingmikkut-ihumaliuqhimadjutikkut hivunikhami Inuinnarnun aulahimmaaraanginnaqtaqtumik hivitunirmi.

Ilaujut ilitturihimajaa angijut havaktait uvani Nunavunmi Parnaijaijiit Havagviani tunidjutainnilu nunallaanin, Inuit timiqutainnin, kavamatkunnin, Nunaqaqqaaqtunin pilaarutikkut pihimadjutainnik, havakviinnin aallanillu tigummidjutitaaqtunin ilauvaktut uvani upalungaijautikkut havagutainni. Huli angijut havagutik pihimatillugit talvunga aviktuqhimanirmi-tamaat nunatigut atuqniitigut upalungaijautimi, Ilaujut ilitarijaa aallanik havaktakhanik ihariagijaujut iniqtiriami pitqujauhimaajuq ataani Nunavut Angirutaani (Angirutaa), uvani angiqhimajumi nunatigut atuqniitigut upalungaijautimi Nunavunmut.

Ilaujut niriuktut havaqatigihimmaarumaplugit ukuat Nunavunmi Parnaijaijiit Havagviani, taapkunuunga tukliinni qanuriliurutikhani havagutimi. Havakhimmaarumajut havaqatigiiklutik, atuqhutik piutimingnik pitquidjutimingnik, hivumuudjutinikkut nunatigut atuqniitigut upalungaijautimi tunihimajuq naunaittumik, ikajuqtuq ihuaqtunik pivalliadjutinik avatikkullu munaridjutinik, tautuktijuqlu hivituniqaqtunik pijumajainnik Inuinnarni Nunavunmiutanilu.

“Iilitarijumajatka angijut havakparutait uvani Nunavunmi Parnaijaijiit Havagviani uumni Nunatigut Atuqniitigut Upalungaijautimi. Havakhimmaarniaqtugut paannaqatigilugit Nunavut Tunngavikkut Timinga unalu Nunavut Kavamanga, ukuallu Nunavunmi Parnaijaijiit Havagviani, hivumuudjutimun kingulilmik Upalungaijautimik angumadjutijuq pitquidjutainnun uvani Nunavunmi Angirutaani, ihumagittiaqhugin Inuit ihumaliurutait, ikajuqhutu inmikkut-ihumaliurutait, havagutigilugillu pijumajait Nunavunmiutat akuniraalungnun tikittukhanun.” — **Maligaliuqti**



Canada



Rebecca Chartrand, Minista Tununganirmi uvanilu Ukiuqtaqtumi Kavamaliqijiit unalu Minista munarijuq Kanadami Ukiuqtaqtumi Piangaijarnirnun Pivalladjutinun Pivigivingmi

“Nunavut Kavamanga huli havaqatigijumajait paannarijavun kiujaa aulahimmaqtuni ihumaluutunik pivallialiurlunilu uuminga nunatigut atuqniitigut upalungaijautimik angumadjutijuq pitquidjutinun uvani Nunavut Angirutimi, huli tunihimmaarlugin naunaitunik itquumajuniklu Nunavunmiunnut, Inuit timinginnut, nunallaanut, havagviinnullu.” **Maligaliuqti Brian Koonoo**, Minista Avatiliqijikkut, Nunavut Kavamanga.

“NTI ikajuqtaa Nunavunmi Nunatigut Atuqniitigut Upalungaijauti ilitarijaalu ihuaqtunik tunijaaqtuq Inuinnarnun. Una ihumaliuruti qaniklijuummiqtittatigun iniqtiriama upalungaijautimik. Hivulliqaq aviktuqhimanirmi-tamaat upalungaijauti tautuktujukhaq Inuit pilaarutainnik hivulliutiumajainniklu pijaaqtaqtukhalu aulaaraanginnarluni hivitunirmi. NTI ikajuqtaa Nunavunmi Parnaijaijiit Havagvia aulahimmaqtillugu havangnirnun upalungaijautimik nakuujuq Inuinnarnun, nunallaanut hivunikhaanullu Nunavutip. Pinianik ihuaqtumik iharianaqtuq pipkaijaami havagutilugi Inuit Nunavunmiullu kingulliinnun tikittukhanun.” — **Gloria Uluqsi**, Angijuqqaq, Nunavut Tunngavik Incorporated

Kangiqhidjutit

2023mi, Kanadaup Kavamanga, Nunavut Kavamanga, unalu Nunavut Tunngavik pijaa Pitqujauhimajumi Nunavunmi Nunatigut Atuqniitigut Upalungaijautimik uumanga Nunavunmi Parnaijaijiit Havagvianin ihumaliurutikmik. Una Nunavunmi Nunatigut Atuqniitigut Upalungaijauti piniaqhimajuq tunijaami aviktuqhimanirmi-tamaat atugakhanik tikkuaqtauhimajukhaniklu nunatigut atuqtikhanik Nunavunmi. Angiqtaukapt, una Pitqujauhimajuq Upalungaijauti pidjutiginiaqtaat atauhirni-tallimanik Kanadaup nunagijaani, pidjutilugni angitqijaujumik nunatigut atuqniitigut upalungaijautimik nunarjuami hivulliqaangulunilu aviktuqhimanirmi-tamaat upalungaijautimik Nunavunmun.

Pidjutaanun uvani nunatigut atuqniitigut upalungaijautimi iluani Nunavutim Nunagijaani angiqtauninganik atulirninganiklu, hivullikkut atauttikut angiqtaujuqhaq Kanadaup Kavamanganin, Nunavut Kavmaanganin uumangalu Nunavut Tunngavikkut Timinganin.

Kanadaup Kavamanga havagutilik kavamatuqatkunni munaridjutinik Nunavunmi, ilaujullu munaridjutit pidjutilgit Kanadaup Kavamanganin uqaqatigiigutunik, tununganiittuni Ukiuqtaqtumilu atugakhanik, avatinut munaridjutinik, ukunanlu kavamatuqatkunni maligakkut pidjutainnun. Kanadaup kavamanga ilauvaktuq ukunani angitqijaujuni atauttikut-munaridjutikkut pidjutini piliuqhimajunik uvuuna Nunavunmi Angirutimi.

Nunavut Kavamanga inungnun kavamaujuq aviktuqhimajumi, munarijuq tunijaami pinahuarutunik, havagutunik, ukiuqtaqtunmilu ihumaliurutikkut Nunavunmiunnut. Aviktuqhimanirmi kavamanga pilik aallakkiiktunik munarijakhanik, ilaujullu taapkua pidjutilgit nunallaanut, nunanut, piquitnut,



Canada



avatimun munaridjutainnik, ukuallu hivitujunun kavamatkunni atugakhanut Nunavunmi. Talvani Aipuri 1, 2027mi, Nunavut Kavamanga munarilirniaqtait aulapkaidjutit munaridjutillu Kavamatuqatkut nunangait, nunamin piqutinin, nunamiittunilu imarnik Nunavunmi ataani titiraqhimajuni uvani Nanminiqluurnirmi Angirutimi sainiqtauhimajuq Kanadaup Kavamanganin, Nunavut Kavamanganin, uumanilu Nunavut Tunngavikkut Timinganin.

Nunavut Tunngavikkut Timinga ilaupkaqtait Nunavunmi Inuit ataani Angirutimi havaktullu pipkainirnun ukuat Inuit pilaarutait ikajuutailu ataani Angirutimik ihumagittiaqtaujuq. NTIkut pitquidjutaa ilalik munariplugit Inuit pilaarutait, hivumuudjutinik Inuit piangaijarniinnik, inuuqatigiingnirnik, pitquhikkullu inuuhirittiarnirnun, kiudjutigiplugillu hunanik pidjutilgit ukununga Inuit Nanminirijainnut Nunat ukuallu angirutinik atuqtipkailirnirnun.

Tuhaqtipkainikkut Uqaqvigijakhat

Kanadaup Kavamanga

Tuhaumapkainikkut

Kavamatkut-Nunaqqaqhimajunut Kavamaliqidjutait Ukiuqtaqtumilu Kavamaliqidjutait Kanada

RCAANC.media.CIRNAC@sac-isc.gc.ca

Nunavut Kavamanga

Estela Aguilar

Atanngujauullaktuq, Tuhaqtidjutinun

Avatiliqijikkut Havagvia

867-975-7746

eaquilar2@gov.nu.ca

Nunavut Tunngavik Timinga

Annie Thomlinson

Aulapkaiji, Tuhaqtidjutinun

media@tunngavik.com